

欽定剿平粵匪方略

欽定剿平粵匪方略卷二百九十六 壬戌年

三月初八日 庚寅 左宗棠奏言 臣軍由婺入浙三

戰皆捷開化肅清時金華龍游之賊紛紛上竄  
距衢州府城江山縣城皆祇數十里正擬親往  
援剿前隊甫抵常山據探首逆李侍賢喉令壽  
昌蘭谿各賊目糾約遂安踞城賊匪窺犯開化  
馬金爲長圍困我之計 臣遂撤隊回攻遂安二

月初七日駐營遂安縣境見城西二十餘里楊村一帶皆紮賊館踵至之賊絡繹不絕初九日派道員王開來等率所部分路進攻均抵楊村賊列隊相抗各村皆負山依水賊沿兩岸而下同知劉墩先擊敗東岸之賊劉典率親兵繼之橫截而出各營奮力衝殺斃賊約數千名各營循岸窮追直至城南數里始行收隊殺斃溺斃

之賊殆以萬計生擒僞符天侯羅音等逆目數十名是夜派隊攻城城賊已四散逃竄遂安縣城卽時克復臣於十三日留老湘營二千五百人守城卽拔營馳援衢州十五日已行抵常山縣璞石地方相機進剿

左宗棠又奏言查浙省列郡僅存衢州溫州其湖州一府海甯一州孤懸賊中存亡莫卜此時

官軍從衢州入手則堅城林立旣阻其前金嚴  
踞賊復擾其後孤軍深入餉道中梗斷無自全  
之理金華介衢嚴之中城堅賊衆臣軍若由金  
華進攻則嚴州之賊必由淳壽一帶潛出包抄  
亦非妥策臣軍救浙似以依傍徽郡取道嚴州  
較爲穩妥惟臣軍不滿九千除分守遂安開化  
外隨臣出戰者不過五千有奇徽信防軍雖經

曾國藩毓科奏明歸臣調遣然兩處正在戒嚴  
未可調以入浙其衢州之李定太一軍八千餘  
人江山之李元度一軍八千餘人雖數與臣軍  
相埒然均未足深恃前蒙

皇上天恩准調蔣益澧劉培元兩軍來浙蔣益澧一  
軍積欠之餉非兩廣督臣速爲清給難以成行  
劉培元新募經費非湖南撫臣速爲發給亦難

集事仰懇

飭下兩廣督臣湖南撫臣速清兩軍欠餉發給經費  
行資俾得遄赴戎機

同日江西巡撫沈葆楨奏言前經督臣曾國藩  
等奏明將廣信饒州各軍統歸左宗棠節制調  
度仍步步顧定江西門戶誠以浙境一日不靖  
卽江境一日不安然必廣衢先無意外之虞則

由金嚴規復杭州方無絕我糧道阻我援師之  
患臣由閩入江道經河口卽聞左宗棠一軍在  
開化累戰皆捷殺賊逾萬而衢州江常一帶時  
有股匪游弋賊逆狡譎成性意在乘左軍東下  
窺伺信防斷其後路日來連接探報二月十一  
二等日衢州城外四面皆賊並有諸暨從逆匪  
首何汶罄力任破衢巨逆楊輔青李侍賢亦率



衆合圍逆燄甚熾由玉山接濟之米石軍火等  
項因衢常水陸皆阻紛紛折回其距廣豐百餘  
里之上台等處亦有賊蹤臣查衢州一城爲江  
閩浙三省咽喉關繫甚鉅現聞左宗棠業已克  
復遂安派營由常山進援衢郡惟玉山廣豐偏  
近寇氛防務倍形喫重尤恐該逆不得逞志於  
衢勢且繞道入閩內犯撫建更屬防不勝防幸

玉山等處駐有副將顧雲彩等營互相犄角諒  
可無虞撫州兵力雖單尙足固守臣惟有嚴飭  
各該將領整飭部伍先固藩籬然後節節進取  
總期毋分畛域迅奏膚公均奏入

上命議政王軍機大臣傳諭左宗棠沈葆楨曰左宗  
棠於開化肅清後乘勢進克遂安甚得先發制人  
之策惟浙省全局糜爛進軍之路最宜詳審金衢

嚴皆屬上游衢州爲江閩浙三省咽喉關繫甚鉅  
現在金衢賊氛滋蔓驟難越取省垣左宗棠已由  
遂安回援衢州目前亦自未能舍衢前進左宗棠  
所籌依傍徽郡取道嚴州之策實有見地卽著相  
機迅解衢圍卽圖進取毋令賊蹤躡阻並勿蹈輕  
進之失方爲妥善蔣益澧一軍前據劉長佑奏業  
令該司部署起程劉培元亦經毛鴻賓催令剋期

招勇赴浙所有兩軍欠餉行資本日復寄諭兩廣  
湖南各督撫迅速辦理矣江西玉山廣豐等處偏  
近賊氛防務倍形喫重著沈葆楨嚴飭各屬將弁  
認真防剿以固藩籬肅清左宗棠後路

上又命議政王軍機大臣傳諭勞崇光劉長佑毛鴻  
賓曰現在左宗棠援剿浙江軍情喫緊調遣需員  
必須蔣益澧劉培元各帶所部趕到方可分投布

置著劉長佑卽飭蔣益澧趕緊拔隊前行其整裝銀兩及舊欠該營協濟之款著勞崇光迅爲籌備俟該司到粵時照數發給催令星速前進毋稍遲延劉培元新募之勇是否業已成軍所需經費銀兩著毛鴻賓籌款撥給俾利遄行

初十日

壬辰

都興阿奏言據探屯聚烏江等處逆

匪分竄和州並圖援廬州踞賊其在江甯鎮下

關屬聚者係僞護王僞忠王僞石王僞對王等  
各率逆衆數萬由西梁山及九洲等處紛紛  
渡江竄撲江浦浦口皖軍連日接仗尙未得手  
逆匪後隊現尙連夜紛渡查逆匪狡詐異常難  
保不牽掣上游分股竄伺裏下河是各路防務  
極宜嚴密江防水師前經臣與黃彬吳全美督  
飭師船上駛會合總兵陳國泰極力堵剿惟該

逆於下關等處封擄民船千數現在均安礮火  
更宜防其乘陸賊紛撲之際一擁下竄常熟賊  
首現派老賊數千薙髮改裝潛跡江北潛匿各  
處一俟大股逆衆竄撲羣起內應此次逆匪驟  
起意欲乘我應接不暇之際同時大逞其計甚  
狡臣惟有晝夜嚴防多派得力弁兵各路查拏  
奸細並通飭各幫師船無分兩夜上下梭巡一

面嚴整隊伍鎮靜以待相機剿辦以期保全完  
善奏入

上命議政王軍機大臣傳諭曾國藩袁甲三都興阿  
吳棠曰逆匪屬聚下關等處擄船過千復有奸匪  
潛跡藏匿各處希圖乘我不備同時大逞其謀甚  
狡現經都興阿通飭各幫師船上下梭巡並多派  
得力將弁於各處查拏奸細所辦尙爲周妥江北



團練大臣晏端書兩淮運司喬松年並著都興阿  
吳棠一體知照分派委員認真搜訪並嚴防裏下  
河等處以杜窺伺清淮防務漸鬆吳棠酌度情形  
或能將都興阿前派之王萬清等隊分別撤回仍  
交都興阿調撥以資得力該署漕督有地方之責  
亟應通飭所屬州縣實行保甲訪查奸宄重懸賞  
格研訊得實卽於軍前正法以儆其餘毋得視爲

具文致滋貽誤廬州業已合圍著曾國藩卽飭多  
隆阿等實力進攻務於援賊未至之前爲先發制  
人之計鎮江孤懸賊中賊不能逞志於江北必將  
力爭京口一城聯成一片馮子材等軍俱不足深  
恃李鴻章一軍計可到鎮卽飭該道迅卽帶兵到  
防與江北聯絡聲勢相機堵剿至所稱賊撲江浦  
浦口皖軍連日接仗尙未得力自係李世忠在彼

相持何以未據袁甲三奏報著袁甲三卽將李世忠連日接仗情形迅速具報並飭該提督實力防剿毋稍大意都興阿就近調度探聞何路喫緊卽由何路策應若將此股援賊盡力殲除則各路軍情自能漸次得手

十三日 乙未 袁甲三奏言據李世忠稟稱僞忠王

李秀城僞侍王李侍賢等帶領長髮十餘萬直

撲江浦浦口兩城經總兵李顯爵等竭力固守  
幸保無虞惟浦口江邊營盤三座被圍之日軍  
火糧米俱缺於二月二十七日不守該逆遂圍  
攻小店橋林水口等處及浦口江浦二城雖被  
我軍擊卻尙未遠退現在江浦浦口兩城道路  
阻隔復有僞護王陳坤書等帶領悍賊於三月  
初一日徑撲六合縣城提督李顯發會同署知

縣馬鴻翔等登陴固守並飭遊擊黃承恩等出  
隊截擊該逆退至近城三四里地方挑挖營盤  
勢將久困初二日骸逆大隊又由六合竄至施  
官集一帶距滁州來安兩城均不過一二十里  
徧地賊蹤勢甚猖獗六合文報又已梗塞李世  
忠前因兵勇乏食先後籌墊米八千石銀二萬  
兩解赴江浦接濟本應由江北糧臺解還歸款

乃兩月之久頻催罔應軍情緊急該提督力難  
再支請轉催江北速解等情臣查此次竄逆黨  
與衆多其鋒正銳據擒賊供稱逆首力爭沿江  
要隘欲牽掣豫勝營一軍分股竄擾廬郡除嚴  
飭廬郡各營會同楚軍嚴密防範外並諄囑李  
世忠督飭各城將領分別嚴守毋與賊戰待其  
氣餒然後乘閒出擊李世忠現派總兵李昭宸

等帶隊救援水口營盤兩面夾擊大獲全捷惟糧餉軍火均極缺乏應請

旨飭下吳棠嚴飭江北糧臺速將李世忠籌墊銀米各項並前次犒賞銀兩添撥軍火迅速解交以重防剿並請

飭令都興阿扼要嚴防以遏竄路總期浦六無虞守此要隘爲將來進兵之路方可力維大局

袁甲三又奏言據李世忠呈稱江浦浦口與金陵一江之隔最關緊要必須派撥親信駐守方無他患新降之衆賢愚不等尙難視爲心腹若移赴江邊與賊切近萬一逆賊以利誘之則變生肘腋爲害匪輕該提督現有兵力足以分守二浦天六四城所短者糧餉軍火耳如揚營有兵可分派赴江浦浦口防守該提督卽將原駐



之隊撤回設揚營難以分撥該提督斷不敢稍分畛域請由江北糧臺按照一萬二千人每月撥給糧餉軍火以資戰守等情臣查所稟自屬實在情形現在大股賊匪渡江浦六均被圍困堵剿喫緊之時亦難遽令移紮應卽責成李世忠分督將弁實力防剿惟防軍口糧前經吳棠奏請於山陝應協江北月餉內每月各提五千

兩解交臣營轉給而李世忠以爲數太少請臣  
再爲籌畫臣以江浦浦口本係江北地方責令  
江北籌餉事理至順但未知有無可指之款應  
請

旨飭下吳棠督飭江北糧臺再行籌議每月實可指  
解若干按期解交實於軍務有裨

袁甲三又奏言查廬郡城大而堅逆首陳玉城

死守待援南路楚師軍威壯盛該逆憚與爲敵  
是以屢撲北路營盤非先攻取店埠斷難制賊  
死命但店埠自該逆竄踞後修築石城引水爲  
濠力難攻拔臣知該處練總許宗芳爲賊倡脅  
久有歸正之意前據密派親信遞稟來營臣因  
勢利導手書密諭一件飭令相機取事並飭張  
得勝及副將徐鵬等就近辦理茲據該鎮等稟

稱許宗芳接到臣諭密約心腹趙思明等前赴  
店埠石城內解散賊黨數百人該練總乘機開  
導內有賊目楊姓等均各立誓投誠正在約期  
舉事二月二十六日陳逆由廬城添派賊首卜  
姓帶領數百人赴店埠助守該練總與楊姓等  
恐幾事不密別生枝節隨密致張得勝等速行  
進兵伊等佯敗不守退入廬城以爲他日內應

張得勝察知非僞隨督參將韓殿甲等帶領兵  
練二千於二十七日乘夜前往直抵石城楊姓  
等一見兵至開門逃竄我軍一擁而入立將賊  
首卜姓砍倒餘衆驚駭奔逃我軍乘勢掩殺斃  
賊甚多楊姓等帶領餘衆退入廬城張得勝等  
卽將店埠克復現在廬賊閉門死守其勢益孤  
楚軍由南路疊次進攻斬擒無算賊膽尤寒惟

疊據探報江南賊衆紛紛渡江有由和含分股  
赴援廬郡之說店埠適當其衝必須嚴密布置  
臣營祇此兵力實已無可抽分適河州鎮總兵  
吉順派遊擊陳松管帶楚廣勇三百名來臨調  
遣臣卽令其駐紮店埠會同該處團練嚴守石  
城並派委道員馬新貽卽赴南路與張得勝等  
會合楚軍聯絡團練審度事機分別妥辦奏入

上命議政王軍機大臣傳諭曾國藩袁甲三都興阿  
吳棠曰江浦六合各城關繫沿江要隘爲逆匪所  
必爭前經諭令都興阿吳棠酌量調派兵船分撥  
浦口並飭曾國藩迅籌水軍進剿原期上下游師  
船聲勢聯絡斷賊渡江之路迄今月餘黃彬等水  
師戰船未據都興阿等調赴該處卽彭玉麟李鴻  
章所部水勇亦無下駛消息以致該逆乘機偷渡

蔓延江北該大臣等既已失策於先不可不力圖  
挽救曾國藩水陸各軍自克復無爲州運漕鎮後  
養精蓄銳將及半載著卽嚴飭各路將弁迅速攻  
取巢和以分賊勢李鴻章所統淮揚水師六千兵  
力不爲不厚何以戰船數百隻不能順流而下必  
須由和含陸路經行現在風聞外國輪船業已雇  
就較之陸路可以暢行無阻著卽催令李鴻章星



速前進截斷江面賊匪往來藉得兼顧浦六毋稍  
貽誤浦六等縣均係江北切要地方都興阿等責  
無旁貸自應力籌兼顧豈可視同秦越現在李世  
忠分投守禦仍恐兵力不敷著都興阿迅卽調派  
水陸各軍相機分路策應並著會同袁甲三督率  
李世忠等堵剿兼施遏賊北竄如再視爲泛常因  
小有意見以江浦等城盡誘之李世忠而不顧設

有疏虞則全功盡棄惟都興阿是問至李世忠軍  
營餉項江北糧臺自應隨時撥解著吳棠迅將李  
世忠墊發銀米先行籌撥如數還款並前次犒賞  
銀兩等項一併解交仍飭糧臺於山陝協餉月提  
五千兩之外再籌著實款項每月接濟李世忠軍  
營者實可若干務令士馬飽騰庶剿辦可以得力  
袁甲三奏探聞江南賊衆紛紛渡江有由含和分

股赴援廬郡之說現在店埠已克廬州賊勢日窮  
著曾國藩迅飭曾國荃多隆阿等分撥兵勇遏截  
援賊並會商袁甲三嚴密布置毋稍疏失

十四日丙申協辦大學士兩江總督曾國藩兵部

右侍郎彭玉麟奏言粵逆盤踞東西梁山等處  
時圖上犯臣玉麟前往督飭各路水師分段守  
禦二月初三日東梁山僞愛王西梁山僞親王

裕溪口僞善王糾合雍家鎮逆衆率黨六千餘人分股上竄一至五顯殿一走水家村一撲湯家溝管帶水師總兵李成謀飛商各營四路迎剿副將左光培帶所部礮船沿江而下總兵李朝斌由三山飛槳過江一同駛至五顯殿分隊登岸由下而上抄賊後路賊衆駭竄適李成謀率參將何昌登等各派水師登岸從左路白茅

嘴江邊迎頭掩擊敗賊溺斃無算維時中路副將羅進賢等各帶練勇登隄列陣賊由水家村直前拒敵抵死不退軍功戴德祥分隊梟水過港出賊不意將賊隊截而爲二奮力合攻賊始敗竄擒斬尤多其右路迎勦湯家溝之總兵李濟清等甫經出隊見賊沿隄布列勢甚兇悍副將彭楚漢率勇下隄繞出田坪大呼陷陣該逆

不料我軍猝至懼斷歸路蒼黃遁走前後斫斃  
轟斃一百餘名追殺數里餘匪仍竄回雍家鎮  
裕溪口一帶臣等查梁山等處賊匪率黨上竄  
其氣甚銳經此次痛勦實足以寒賊膽而阻狡  
謀奏入報

聞

同日馮子材魁玉奏言常州逆首李賊糾合死

黨數千竄至孟河一帶放火抄掠築卡盤踞由  
蘇杭等處擄搶礮船四百餘號停泊常州東門  
外密圖出竄丹陽句容各巢紛紛蠢動意俟大  
股到齊併力攻撲鎮江二月二十一日逆匪數  
千由小河竄至魏村一路焚掠直撲師船並有  
另股賊船欲由港口出竄當飭守備高騰雲等  
各駕長龍戰艇包抄夾擊轟沈賊船數隻斃賊

多名沿江逆隊經臣魁玉帶兵痛剿退回江陰  
其圩塘江口逆匪亦經千總會斌等擊退惟中  
關賊匪糾黨由九洲直撲浦口寶塔山分爲  
三股一竄瓜埠一竄六合縣界之水家灣一撲  
江浦縣城提督李世忠分投堵剿屢獲勝仗因  
賊勢過重尙在相持臣等查鎮城三面逼近賊  
巢尤須先事圖維嚴爲之備因飭總兵黃朝恩



等小心防範並派副將黃武賢等各帶所部馳赴城鄉附近二三十里外查看情形分屯扼紮一面選派勁旅晝夜輪流出哨並咨會提督賴鎮海等暨沿江各口師船將弁一體嚴防不敢稍形鬆勁奏入

上命議政王軍機大臣傳諭都興阿馮子材曰常郡逆匪數千竄至孟河一帶並由蘇杭等處擄搶礮

船四百餘號停泊常州東門外密圖出竄丹陽句  
容各巢紛紛蠢動意欲會集大股併力攻撲鎮江  
雖經防守師船將魏村一帶賊船轟沈數隻剿敗  
沿江逆隊並將圩塘口逆匪擊退惟賊勢尙盛並  
未大受懲創難保不復集大股進撲鎮城該提督  
務宜選派將士馳赴城外數十里扼要紮營嚴密  
防守並隨時由城內出兵策應毋令賊匪逼近城

濠致成坐因前據都興阿奏僞護王等各率逆衆  
數萬渡江竄撲江浦浦口已諭令都興阿就近策  
應茲據馮子材奏稱中關賊匪由九洑洲直撲浦  
口寶塔山分爲三股一竄瓜埠一竄六合縣界之  
水家灣一撲江浦縣城李世忠分段堵剿因賊勢  
過重尙在相持等語該提督前派駐防浦口等城  
兵力本不甚厚餉項亦未能充裕此時賊匪麕集

併力撲犯深慮該提督兵力難與久持都興阿務  
當棟派勁旅速往助剿將此股賊匪殲除以固江  
北大局其後股未渡各匪亦宜嚴飭上下游師船  
於江面截擊毋得再事玩誤坐令該匪紛紛北渡  
致滋蔓延

十六日 戊戌 慶端奏言 臣馳抵浦城探知逆匪大

股分竄溫衢另股竄擾雲和並江山之江郎街

等處牽掣閩師疊飭在事文武兵團奮力堵剿  
二月十三日犯衢之賊分股窺犯江山署藩司  
李元度督軍迎擊該逆過河而遁溺斃甚多十  
八日大股賊二萬餘人從北路竄至離城四五  
里地方伏兵齊起斃賊百餘名塘源毛村大股  
之賊遽擁包抄我軍衝開賊陣殺賊無數該逆  
分股復撲東門李元度派隊馳回擊退斬馘甚

多其屯踞江山之乾頂等處逆匪屢至念七都  
一帶窺竄閩疆其撲犯溫州之賊於二月初一  
日環攻郡城初二日秦如虎等派守備馬雲標  
等縋城而下兩路迎擊該逆愈來愈衆城上連  
開大礮轟斃賊匪數十名該逆始退初五日該  
逆萬餘人復遙擁而來馬雲標等揮軍進擊秦  
如虎等開放大礮連斃馬隊賊目城內兵勇齊

出助戰立斃賊匪多名該逆敗退四十里遂昌  
踞逆經該縣知縣糾集民團連日攻剿於二月  
初九日克復縣城賊由松陽逃去臣查該逆圍  
攻衢城未能逞志故以大股分撲江山冀圖絕  
我餉援爲坐困衢城之計左宗棠於攻克遂安  
後統師已抵常山親援衢郡臣復派副將曾元  
福周萬遠統帶兵勇馳赴江山會合援應惟探

報黃巖踞逆關入樂清之大荆地方竄擾雲和  
之賊蔓延景甯且遂昌克復逆匪悉數下竄意  
欲並犯温州賊衆兵單有岌岌不可終日之勢  
臣現飭候補同知趙均速募興化槍勇馳援副  
將吳鴻源師船已分派二十號馳赴温州援剿  
閩省福甯防務萬緊並飭道員曾憲德分別布  
置至浦城界連兩省地當四衝非重兵不能扼



堵業已擇要設兵並於城外分紮營盤撥軍駐守一面委令官紳整頓團練以昭嚴密奏入

上命議政王軍機大臣傳諭慶端左宗棠曰浙江溫處衢三屬地連閩界雲和之賊蔓延景甯已有入閩之勞該處萬山環峙有險可扼著慶端卽嚴飭各軍分別布置毋令竄入閩境黃巖賊闌入樂清遂昌賊悉數下竄恐將併力攻溫所有同知趙均

槍勇副將吳鴻源師船著該督迅卽調派分別赴  
溫州一路援剿犯衢之賊以大股分撲江山自因  
攻衢未能逞志意圖於江山絕我餉援爲坐困衢  
城之計現在左宗棠於克遂安後回援衢州已抵  
常山慶端亦派副將會元福周萬遠等統帶兵勇  
馳赴江山兵力較厚著卽會同夾擊由江常迅掃  
而下速解衢州之圍至浦城地當四衝江山之賊

既竄至江郎街等處相距甚近慶端已抵浦城著  
卽督飭將弁迅速進剿仍兼顧閩省藩籬毋稍疏  
失

欽定剿平粵匪方略卷二百九十七 壬戌年

三月十七日 己亥 都興阿奏言三月初五六等日

據探浦口已失寶塔根所紮皖營均被賊占該  
逆越過江浦六合已至儀徵蔓延數十里四路  
打館又盤獲奸細供稱逆衆已有十數萬上下  
江面仍有續渡之賊不知其數其意攻撲瓜揚  
窺伺裏下河各屬計在必得等語該逆現由泗

源溝一帶東竄初七日已至蔣王廟等處離揚城甚近當派海全杜嘎爾等各帶馬隊迎勦槍礮齊施殺斃數十名賊勢稍卻初十日賊未蠢動惟在離城十數里二十餘里層層築壘現據吳棠飛催令撥水陸急援六合以顧江北門戶查該逆大隊均由六合經過刻已全股進徧瓜州三汊河及揚城附近地方揚防地廣兵單實

有自顧不暇之勢焉能遠及六合且刻下六合  
一帶並無賊蹤李世忠一軍素稱十萬之衆守  
江浦者僅祇千人其餘似當全在天六此時我  
軍若一動搖則裹下河千里之地必成灰燼而  
南之鎮江上海其勢更孤大局豈堪設想臣等  
惟當隨時激勵將士穩固軍心嚴密布置鎮靜  
以待其沿江上下偷竄賊船經黃彬吳全美督

飭各幫扼險堵剿均經獲勝現又派長龍礮船  
守護揚城後路及分泊邵伯三汊河等處更爲  
周密奏入

上命議政王軍機大臣傳諭袁甲三都興阿曰前據  
袁甲三馳奏金陵逆匪渡江分竄浦六等縣及滁  
來境內亦有賊蹤是以諭令都興阿撥水陸兵勇  
前往策應現在賊勢徑趨揚郡圖擾裏下河完善

地方都興阿業經嚴密布置鎮靜以待其沿江上  
下亦經黃彬等督飭礮船扼險堵剿所籌尙屬周  
妥都興阿所部兵力戰或不足守則有餘著卽激  
勵將士實力守禦毋得稍有疏失李鴻章赴鎮之  
軍業已起程一俟行抵鎮城南北聲勢便可聯絡  
六合一帶並無賊匪江浦等城仍是官軍駐守並  
著袁甲三嚴飭李世忠調派得力兵勇分投堵禦



斷賊糧道並遏其赴揚之路都興阿方能出奇制  
勝李世忠之兵號稱十萬守江浦者祇千人其餘  
應在天六袁甲三惟當激以忠義令其奮力堵剿  
毋稍鬆懈

上又命議政王軍機大臣傳諭曾國藩曰逆匪分股  
渡江擾及瓜揚圖竄裏下河地方亟宜迅速殲除  
以保完善李世忠所部兵勇及就撫降衆兵力不

爲不厚惟該提督收復天長六合因議分兵駐守  
藉口無從領餉與都興阿意見參差是以彼此不  
相援應都興阿人雖老成才具亦不甚開展所統  
水陸各軍恐難深恃現在瓜揚喫緊裏下河等處  
在在可虞曾國藩身任兼圻責無旁貸著卽嚴飭  
李鴻章等軍設法督率淮揚水師戰船剋期下駛  
揚言規取金陵俾該逆有所顧忌不敢源源北渡

不但揚防可以稍鬆卽巢和等城攻取亦易得手  
毋得以都興阿李世忠分駐江北必能和衷辦賊  
遂置不顧也楊載福曾否起程當此軍務緊急之  
際該提督受恩深重豈可優游事外不思報稱仍  
著該大臣嚴催該提督速赴軍營毋許藉詞遷延

十八日 庚子 鄭元善奏言 臣 馳抵許州接據藩司

張曜等稟報粵匪由新蔡竄近汝郡三月初二

日竄歸韓莊一帶前股逼近確山後股仍在汝  
境游駛張曜會同檢討吳元炳等抽撥馬步更  
番擊勦斬獲多名初四日匪股全竄確山我軍  
馬隊躡擊匪向西南奔竄初五日擾及泌陽之  
沙河店等處楚北棗隨一帶駐有防兵臣已飛  
咨兩湖督臣嚴飭截擊並令護理南陽鎮遊擊  
徐榮柱調集標兵會同地方文武嚴行扼堵至

新蔡軍情據知縣韓承宣稟稱二月二十六日  
粵逆於東北兩面開放地雷轟坍城垣官軍多  
方抵護未致疏失而糧草子藥已罄危在呼吸  
望援急迫等情臣維新蔡圍已兩月必應速籌  
援救現在潁郡解圍勝保一軍似可就近馳援  
應請

旨飭下勝保迅速移師前往援剿奏入

上命議政王軍機大臣傳諭勝保鄭元善曰新蔡被圍兩月雖經知縣韓承宣竭力守禦而糧草子藥已罄望援急迫該撫請令勝保就近馳援自係爲肅清豫境起見第潁州甫解重圍布置尙難周密恐勝保大軍一移敗匪散而復合則勦辦更難著手勝保自當乘勝進兵潁上惟汝州新蔡賊勢甚衆豫省兵力單薄不敷堵勦勝保督辦皖豫軍務

斷難漠視著卽就近抽撥馬步馳往該處會同豫軍迅速攻勦鄭元善飛飭副將楊飛熊迅速馳援並設法策應以遏該匪西竄之路毋稍疏虞其確山泌陽一帶竄匪著卽嚴飭徐榮柱調集標兵會同各地方文武嚴行扼堵並飛咨楚軍截擊以重邊防

鄭元善又奏言豫省各營將領可當一面之任

者祇楊飛熊楊長春余際昌三人余際昌楊長  
春均以勦擒受傷請假調治以致帶隊乏人諸  
形掣肘查嚴樹森奏帶赴楚將弁有遊擊李世  
玉一員籍隸豫省向在湖北軍營有年以豫人  
管帶楚勇地理較爲熟悉並可薰陶漸染使豫  
省亦多將領之才於軍務大有裨益仰懇

天恩飭下湖北撫臣嚴樹森飭令李世玉迅速回豫



管帶各營楚勇以資得力再總兵李續燾陳由  
立二員尙無起程來豫消息可否一併

飭令湖北撫臣再行嚴催卽日招募成軍兼程來豫

奏入

上命議政王軍機大臣傳諭官文嚴樹森毛鴻賓曰  
豫省新蔡被圍汝甯喫重防勦甚屬緊要楚營帶  
隊乏人諸形掣肘嚴樹森調任楚撫時曾奏帶遊

擊李世玉赴楚該員籍隸豫省於本處情形較爲  
熟悉著嚴樹森迅飭李世玉回豫管帶楚勇以資  
得力已革總兵李續燾候補總兵陳由立二員前  
令於湖北湖南兩省各募勁勇三千人卽行赴豫  
此時尙未據報起程著官文嚴樹森毛鴻賓嚴催  
該二員卽行招募成軍兼程赴豫聽候鄭元善調  
遣毋再遲延

十九日

辛丑

都與阿奏冒逆匪由蔣王廟七里甸

等處分股直撲揚城西南兩門當派副都統杜

嘎爾等帶領各隊在觀音山寶塔灣一帶分路

埋伏參將常勝管帶礮車策應臣親督調度遙

見該逆前敵分爲三股每股約有萬餘一望無

際其南股從寶塔灣西一路列隊北竄中股由

七里甸直撲揚城北股竄越山岡勢將抄出城

北正值楚勇埋伏之處該逆見我兵單蠶擁而  
來都司胡世英等俟其逼近攔頭迎擊連開劈  
山大礮杜嘎爾等督帶馬隊抄擊槍箭齊施賊  
始披靡紛紛敗退官兵追殺十餘里斃賊不下  
二千名其中路及南路兩股亦經刁經明等督  
飭弁勇連開大礮擊斃甚多賊匪卻退其三汊  
河上下數十里逆匪屯聚築壘時出竄擾脅啟

綸連日派撥馬步勦辦多有擒斬惟賊勢過衆  
未可遠擊至瓜州沿江一帶經黃彬督飭將弁  
於江岸紮營添撥水師勇丁登陸防守一切均  
屬周密臣等斷不敢稍存大意致涉怠忽奏入  
上命議政王軍機大臣傳諭都興阿曰前因都興阿  
奏逆匪糾合大股撲犯瓜揚當諭該將軍實力守  
禦與鎮江聯絡聲勢以遏賊氛茲據都興阿奏本

月十一日該逆直撲揚城經馬隊兵勇分路抵禦將逆匪擊退尙能以少勝衆稍挫兇鋒惟三汊河上下數十里逆匪在在屯聚築壘時出竄擾雖經詹啟綸等連日勦辦多有斬擒而賊勢過衆未可遠擊該將軍當添撥兵勇前往策應並督飭黃彬等師船於沿江上下數十里往來轟擊務將逆巢逆巢悉數削平毋令久踞肆擾並分兵保衛裏下

河完善地方方爲妥善黃彬已於江岸紮營添撥  
水師勇丁登陸防守都興阿仍須不時嚴密稽查  
飭令該總兵等毋稍疏懈都興阿現在督辦江北  
軍務責無旁貸如探聞何路警急卽當分兵馳應  
其一切籌畫布置機宜務必悉臻周密毋得稍存  
大意

都興阿又奏冒逆匪攻撲揚城官兵出隊 臣派

海全在南杜嘎爾在北均各指示機宜並埋伏  
處所乃北路伏兵擊賊獲勝而南路伏兵並未  
出戰策應中路實屬觀望不前貽誤事機應請  
旨將京口副都統海全撤銷題奏都統職銜摘去頂  
戴仍交部議處以爲帶兵觀望貽誤事機者戒  
奏入

上諭內閣曰江南逆匪進撲揚州經都興阿派令京



日副都統海全由南路設伏掩擊乃北路伏兵擊賊獲勝而南路並未出勦又未策應中路當此軍務緊要之時如此遷延觀望貽誤事機若不立予嚴懲何以勵軍心而肅紀律該將軍請將該副都統撤銷題奏都統職銜摘去頂戴交部議處殊不足以及蔽辜海全著卽行革職仍留軍營帶隊以觀後效

二十一日癸卯袁甲三奏言據李世忠呈稱江浦

浦口兩城及橋林烏江小店汊河等處營盤均  
被賊圍未解而前次六合擊敗之賊復於三月  
初三日糾合大股圍撲縣城提督李顯爵令遊  
擊黃朝棟等挑選精銳由西北兩門分道出剿  
該逆分股迎拒鏖戰兩時之久李顯爵指揮馬  
勇奮力衝突始將賊隊衝開我軍分路包抄賊

首尾不能相顧四散奔逃追殺十餘里陣斬僞  
主將等二十餘名生擒二百餘名自相踐踏及  
落水死者不計其數是晚偵知逆衆遁至儀徵  
境內擄糧二更後復與黃朝棟等密令兵勇分  
路出隊該逆猝不及防我軍四面截殺盡一夜  
之力平毀賊壘十餘座擒斬僞職俞幅汝等十  
餘名生擒三百餘名惟滑子口一帶尙有賊壘

林立江浦各處道路未通米糧均難運送訊據賊供逆衆欲竄擾儀揚境內牽掣揚防之兵不能渡江而令江南之賊力攻鎮江並欲先破儀徵擄足糧食仍回六合屯軍瓜埠四面紮營爲久困之計又探上游之上士灣地方仍有賊匪蠡擁過江屬聚於和州之張家集一帶未知何往又據探僞天王洪逆出示凡江浙等處被陷

郡縣城大者留賊三千城小者留賊一千數百  
其餘盡調過江北擬先由天長攻揚州邵伯高  
寶等處志在必得軍情萬分緊急仍請飛催江  
北速解糧餉軍火以資接濟等因臣查賊勢如  
此狡獪無非多方擾我使我備多力分逞其狡  
獪臣現囑李世忠督飭各處將領嚴守要隘示  
以鎮靜乘閒而擊之現聞揚魯接仗獲勝賊勢

大饑惟該逆分股四擾面面須防應請

旨飭下都興阿吳棠探明賊蹤所向嚴密防剿以免  
竄突李世忠所需軍火糧餉萬不可缺並請

飭令吳棠督飭江北糧臺趕將李世忠墊款及每月  
所需餉項迅速解濟以定人心而鼓士氣奏入  
上命議政王軍機大臣傳諭袁甲三薛煥吳棠曰渡  
江之賊勢甚猖獗現在江浦等城尙未解圍六合

敗賊又復回撲雖經李顯爵等督率兵勇迎擊獲勝而滑子口等處賊壘尙多且該匪屢撲揚城亟宜協力勦洗著袁甲三飛飭李世忠督率各路將領嚴守天六等城毋稍鬆懈仍派撥兵勇分投策應務令與揚防各營聯爲一氣俾該逆進退失據則勦辦自易得手逆匪既有由天長竄入高寶之說不可不豫爲之防著吳棠酌度情形如清淮防

務稍鬆卽著抽調兵勇赴高寶一帶駐紮以爲都  
興阿北路聲援所有江北糧臺應解李世忠墊款  
及每月所需餉項著吳棠仍遵前旨星速解交以  
資接濟並著薛煥督飭署藩司吳煦迅籌款項解  
赴李世忠軍營以濟急需毋許稍存漠視至逆匪  
兩次攻撲六合縣城該員弁疊獲大勝實屬奮勉  
出力著袁甲三先行存記俟各城解圍後彙案奏



請獎勵

上又命議政王軍機大臣傳諭會國藩都興阿馮子材曰賊匪渡江以後勢甚狡猾官軍備多力分亟應激勵將弁竭力堵剿昨據都興阿奏該逆直撲揚城經馬隊兵勇迎擊稍挫兇鋒仍著該將軍督飭水陸各軍嚴密布置務將竄擾儀徵等處擄糧之賊盡力剿洗於李世忠毋存芥蒂務與天長六

合之兵聲勢聯絡則揚防益可穩固惟賊匪已源  
源渡江勢極蔓延非厚集兵力恐難撲滅且訊據  
賊供有牽掣揚防兵勇徑取鎮江之語尤不可不  
豫爲防範近聞曾國藩已雇外國輪船令李鴻章  
督率兵勇七千人下駛計不日即可抵鎮著卽嚴  
飭該道飛速前進相機籌勦揚州鎮江爲南北要  
衝何路有警卽向何路策應現在軍情萬分喫緊

斷不可稍分畛域致有疏虞其上土灣賊匪渡江  
處所並著曾國藩速飭彭玉麟等統帶師船前赴  
該處截擊斷其江面往來之路馮子材督辦鎮江  
軍務責無旁貸仍著就現在兵力隨時偵探賊蹤  
竭力守禦毋稍鬆懈

同日駱秉章奏言石逆由利川竄陷石碛廳後  
至羊肚溪意圖搶渡經臣飛飭沿江州縣將船

隻概行撤退該逆不能渡江遂沿南岸上竄已  
至涪州小河對岸候選道章源由彭水馳至涪  
州密布兵團沿河扼堵並將江面船隻概泊城  
下以防偷渡北岸臣所派之副將唐友耕已革  
知府唐炯兩軍計已將到涪州臣又調桂字營  
水師礮船駛赴重慶下游以截江面臬司劉嶽  
昭所部先到之五營已由萬縣溯流而上劉嶽

昭督後隊四營已抵夔郡臣已檄飭迅速前進  
與上游各軍兩面夾擊並准貴州提臣田興恕  
來咨現已料檢軍裝剋日來川會剿如乘石逆  
未渡北岸大兵雲集蹙之於窮山之中則川東  
地方尙不至糜爛而該逆無舟可掠且有劉嶽  
昭全部自下而上勢亦不能竄擾夔巫下游也  
奏八

上命議政王軍機大臣傳諭駱秉章曰石逆竄至涪  
州業經駱秉章派令道員章源等扼堵並調水師  
礮船駛赴重慶下游以截江面現在劉嶽昭旣已  
抵夔卽著飭令迅速前進與各軍夾擊田興恕如  
已到川並著乘該逆未渡北岸以重兵壓擊勿令  
竄擾川東地方

二十四日  
丙午薛煥奏冒浙江湖州府城久被圍

困餉銀軍火無從運濟經知府趙炳麟派千總  
朱正邦改裝易服密赴湖州近城地方於官軍  
出城衝退賊匪時投入軍中恭齋前奉

諭旨交福建糧道趙景賢祇領該道於二月初九日  
飭千總宋黼清來滬據稱自正月初旬以來城  
外四面盡是賊營屢次督帶水陸各軍衝殺均  
經獲勝斬擒頗多是以兵心尙奮民心尙固而

該逆數十萬之衆層層包裹甫經衝退旋復合圍且糧餉難支運解無路現擬商借在城殷戶銀兩掣給印票前赴上海匯還稍安軍民之心恪遵

恩諭勉力支持以待援軍等語臣查趙景賢力保湖城已逾兩年之久當此被圍緊迫自應籌濟軍需查浙省絲捐局尙存銀一萬兩併入前次解



湖折回之閩餉一萬兩卽飭趙炳麟匯付在滬  
湖人俾趙景賢就近支用並令再行籌措設法  
接濟惟米糧軍火油燭等項無路可以運進必  
須援師速至方無決裂之虞刻下左宗棠駐軍  
衢信之間距湖遙遠而提督鮑超一軍尙在青  
陽與賊相持卽使攻復青陽而甯廣各屬節節  
梗阻勢不能長驅直入惟總兵朱品隆現已肅

清徽郡儒由績溪旌德甯國等縣閒道進攻拊賊之背或可出奇制勝以達於湖仰懇

天恩飭下曾國藩左宗棠商令鮑超朱品隆兩軍速援湖州庶數十萬生靈得慰雲霓之望奏入

上命議政王軍機大臣傳諭曾國藩薛煥曰道員趙景賢保障湖州已逾兩年兩浙郡縣聞賊屬至方面大員相率委城而逃該員以在籍道員獨能嬰

城固守其忠義之氣足爲東南生色前恐湖郡不  
支該員以有用之才枉棄可惜疊諭赴閩聽候簡  
用而該員至今固守其忠義實爲可嘉薛煥此次  
所匯銀二萬兩聲明係浙省絲捐是畛域之見尙  
未能化米糧軍火等件尤爲守城所必需豈得以  
無路可運卽袖手坐視上海距湖不遠道途汙港  
紛歧仍著薛煥妥覓閒道設法運進源源接濟不

准稍存漠視鮑超之軍屯於青陽朱品隆一軍現  
守徽郡爲左宗棠後路接應薛煥所奏於軍情地  
勢自係不能深悉惟湖郡情形緊急斷無棄而不  
救之理著曾國藩於鮑超朱品隆兩軍內酌量情  
形分撥一軍從閒道迅速往援如進攻道途較遠  
或有所牽掣不能前往卽著薛煥迅派勁旅由滬  
進援現聞李鴻章由輪船帶兵業已抵滬其說未

知確否如果楚軍抵滬更可酌撥勁旅一二千名  
開道赴湖爲趙景賢援應以收夾擊之效李鴻章  
前諭赴鎮江調度因鎮江地居衝要且現在賊勢  
趨重李鴻章自應仍遵前旨赴鎮駐紮以便整頓  
江南北水陸各軍爲規取金陵之計薛煥擁兵四  
萬毫無足恃而於援湖一事委之曾國藩等不爲  
悉心籌畫相機策應至滬上兵勇較多此疆彼界

積習太深甚屬非是仍著迅速妥商曾國藩所派  
陳士杰一軍如果到尙需時卽由李鴻章選派妥  
員赴滬將滬上兵勇整頓訓練以資戰守李鴻章  
陳士杰何時到滬到鎮卽著曾國藩薛煥迅速馳  
奏毋稍遲緩

薛煥又奏言自二月中旬以來嘉定青浦之賊  
糾聚崑山吳江無錫常熟等處逆黨屢圖撲奪

七寶營盤以窺上海東則虹橋南則新莊西則  
龍珠庵北則王家寺或築壘屯踞或分股衝突  
距七寶各營不過數里恃其兇悍之衆多方以  
擾我軍參將郭太平等各率所部無日不戰疊  
有斬擒該逆屢敗不退突於二月二十四五等  
日分股四出將各營層層圍裹復於兩岸紮卡  
阻絕糧道遂入七寶鎮大肆焚掠郭太平等憑

營力戰飛稟乞援當飭參將王國安等選帶精銳馳赴七寶會同郭太平等內外夾攻臣於二十六日親帶小隊前往督陣該逆不知我軍多少蒼黃棄營而遁七寶之圍遂解當將該處賊營盡行踏毀乘勢追至新莊已無賊蹤臣於二十八日收隊回滬一面飭令諸軍進攻王家寺及龍珠菴兩處李恆嵩所派遊擊劉士奇一軍



聞七寶業已解圍遂將顯橋逆衆擊退臣回滬  
後該逆又來窺伺七寶各營諸將弁晝夜抵禦  
斃賊無算逐日出隊往攻賊營亦各有斬獲而  
逆勢尙極狡猾臣飭蘇松太道吳煦等飛調常  
勝軍來援四品翎頂華爾卽約會英法兩國提  
督派兵前往定期三月初六日與在防各軍合  
剿以期掃蕩逆氛至松江各路告警李恆嵩督

帶水陸各隊與遊擊林叢文疊次敗賊於冰絲  
橋等處並擊退打鐵橋逆援踏毀賊營殺斃逆  
匪甚多浦東逆衆又屢竄至陳家行等處圖斷  
松江上海要道雖經參將張鳳翔等督率礮船  
疊次擊退而賊勢蔓延惟當杜其偷渡力保浦  
西尙未便進兵往剿以致顧此失彼至洙涇被  
賊占踞後臣疊接曾秉忠來函據稱水陸各軍

現駐西口及小柳各要隘親率礮船在柳橋一帶往來馳勦督飭所部將弁分路攻擊章練塘等處大股逆匪均獲勝仗惟尙未能規復洙涇應俟松郡解嚴調集李恆嵩華爾諸軍以圖進取奏入報

賜

同日田興恕奏言前據駱秉章咨開石逆於上

年十二月內竄踞湖北來鳳縣與上年黔省擊敗粵匪合股本年正月內擾及川境飛調臣部古州鎮總兵楊巖寶及署總兵李有恆等各帶所部馳往應援臣查楊巖寶一軍剿辦尙大坪逆匪正當喫緊斷難卽時移動至現署威甯鎮總兵李有恆現剿豬拱箐苗匪復防雲南宣威昭通各府州境內回匪亦難遽行帶隊入蜀臣

因川省軍情萬緊且屢奉

聖訓派兵會剿豈忍漠視查有暫革留任巴里坤鎮  
總兵熊煥章現剿思南婺川一帶教匪思南所  
轄之思渠關與川省酉陽州界僅隔一河水陸  
兩途均可扼堵卽飭熊煥章在所部內挑選勁  
勇五百名合之朱凌漢援川楚勇一千名共一  
千五百名均歸該鎮督帶赴川取道酉秀一帶

會合川軍相機截堵臣現將上游軍務布置停妥剋期前往尙大坪玉華山親率督勦冀將何逆各股殄滅屆時酌留鎮將在黔臣卽由遵義一帶徑往川中督率川楚兵勇務將石逆大股殲盡以除後患奏入

上命議政王軍機大臣傳諭駱秉章田興恕曰石逆擾及川境熊煥章援蜀之兵已由思南前進著駱

秉章覘賊所向相機調遣田興恕是否仍須赴川  
會勦著駱秉章妥速籌辦務將石逆大股併力殲  
除刻下浙江軍務萬分喫緊總兵沈宏富前經田  
興恕奏請暫緩赴浙並著酌奪情形如沈宏富可  
以抽調卽著催令迅速啟行前赴左宗棠軍營聽  
候調遣

二十五日

丁未鄭元善奏言南路粵匪竄至泌陽

三月初六日分股攻撲東西兩門經該縣擊退  
向西北唐縣地方竄逸初十日偏近南陽府城  
意圖攻撲知府金梁會同遊擊徐榮柱督率兵  
勇開放槍礮轟斃多名十一日該匪後隊繼至  
環繞郡城四面圍撲又經兵勇擊退復派隊出  
城跟蹤追剿該逆敗竄西北鎮平一帶有駛及  
唐鄧圖擾老河口之說已飛飭徐榮柱帶領標



兵會合各路團練躡蹤追擊

鄭元善又奏言粵匪圍撲新蔡旬日之間連發地雷三處均經城中竭力堵在賊伎已窮又聞援兵將至賊衆驚恐該縣韓承宣偵知消息當募敢死壯士一千名及四街練勇並馬正心所帶之勇共二千名於二十七日夜開縋城而下潛至各賊營出其不意乘風縱火該逆倉猝驚

起登時大亂自相踐踏各勇奮力向前殺斃長  
髮逆匪二百餘名逆衆往西南竄逸城圍立解  
該匪現由汝確各境竄越泌陽直趨唐鄧進窺  
老河口臣飭南陽鎮督率標兵會合民團扼要  
堵擊並飛咨楚省派兵越境防剿以杜竄越惟  
新蔡雖已解嚴而伏莽重重賊氛環逼亦經函  
咨勝保就近撥兵掃蕩奏入

上命議政王軍機大臣傳諭勝保鄭元善曰竄撲南陽之賊雖經該府等擊退惟賊衆尙踞鎮平一帶且有分竄唐鄧之說著鄭元善迅飭徐榮柱督兵追躡悉數殲除毋任蔓延至新蔡城圍已解而伏莽重重賊氛環逼亟宜疏通道路鎮撫居民鄭元善兵力不敷分勦並著勝保就近選派得力將弁前往勦洗

二十六日

戊申

馮子材奏言鎮城南路丹陽句容

等處逆巢日內尙無動靜惟常州逆黨先後竄  
至孟河分股撲擾小河魏村一帶擄人掠船意  
圖北渡均經師船將弁擊退據探賊首僞忠王  
李逆於三月初六日糾黨移踞江陰將原守之  
賊押令出城打館逆蹤詭秘未知所向臣等督  
飭在防鎮將嚴密布置多派勇丁輪流偵探斷

不敢稍存大意至逆衆屢撲揚城及三汊河瓜  
州一帶均經水陸官兵奮勇迎勦疊獲勝仗賊  
鋒已挫且探知盜糧垂盡似難久持臣前於鎮  
營挑備精銳三千名函商都興阿聽候調撥旋  
准覆稱揚營兵勇戰或不足守實有餘是都興  
阿於防勦機宜早已布置裕如必可保全完善

奏入報

聞

欽定四庫全書

三